

## **Tuhaqtitaujuqhaq**

Qilamik Tuhaqtitaujuqhaq

**Kavamatuqait Nunavunlu maniliuqtuqpaktun avatquhimajumik \$194 milliantaalamik tahapkunani ihariagijaujuni aulapkaidjutiqhanut agyaqtuutiqhanutlu inungnik havauhiinni tamaani nunaptingni**

**Iqaluit, Nunavut, Ubluqtuhirvia 4, 2024** — Maniliugutaujut ukiuqtaqtumi aulapkaidjutait ikajuutivaktut hakugingniqhanut, ilaupkainirmunlu nunallaat imaalu pijaani ukiuqtaqtumi ilaitlu pijaaqtaalaqijaanginni ublumimut, atuguminaktumik aulapkaidjutiqhanik tikiutijaami aadlanggurniit iharianiit. Nunallaat tamaani Nunavut ikajuqtauniaqtut nappaqtirinitigut ihariagijaujunik aulapkaidjutaitigut piliurnikkutlu ihariagijaujut kivraqtuqtiit quanaqut atauttiujut maniliurniqhaq amigaitqianik \$194 miliantaalamik kavamatuqainnit ukiuqtaqtumilu kavamaita.

Uqaqtaujuq Ministamin Sean Fraser, Hivuliqti P.J. Akeeagok unalu Minista David Joanase, hapkua havaaghat ikajuutauniaqtut hivumuungnikkut Kanatap nuutirniatigut haffumamut mikijumik-algunngup pujuanik hivunirmi, taimaalu pipkaitillutik tunihinirmun ihariagijaujunik kivgaqtuutininik taapkuatut aanniaqtailinirmun munaridjutit, inungnik agyaqtuutit, qajangnaitumiklu atuguminaqtumiklu imangmik Nunavunmiunut.

Maniktaqvighat ikajuutauniaqtait iniqtiriami 24-nik igligat iinirniqhaanut munaqtauvia Kangiqlinirmi, tunihiluni ihariagijaujunik munaqtiqhanik aanniaqtailijaamilu kivraqtuutit Nunavunmiunut Inirniqhaanut. Nutaag najugaqhaq pipkainiaqtait nunaqaqtut qanittuujaaqlutik aimavingmingnut, ikajuqtautillutik aadlangganiit nuatqatigiitianiagut inuuhitlu Nunavunmiunut. iniktauppat, nutaat iniqhat aulaniaqtut atuquangnaittumi auladjutiqhanik ikittuujaaqlutik pujuum anialailaqtata purjurnuit.

Haamlangani Sanikiluarmi ikayuqtauniaqtutlu piliurniatigut nutaamik niqmik imarmik halummarhivighamik. Una havaaq ilaqarniaqtuq titiraujaqlugu nappaktiqlugulu igluqpaqhamik ikajuutiqhainnik amigaiquumirniit ihariagijait haffuma Inuit nunallaanga imaalu pijaami maliqajaami inungnut aanniaqtailinirmun atuinnaqpagainnik. Taitailu, ilanggit aadlat nunallaat takuniaqtut ilaliutihimajumik nutaamik imangmik halumaqhidjutiqhamik igluqpainnik, taapkuatutu hamlanggit Mittimatalik, Ikpiarjuk, Ausuittuqlu. Hapkua havaaghat imaa pijaami nakuuqpiagtumik halummaqtirivighamik imarmik hailihimaluni qajarnaittumik ihuaqtumik imaktuutiqhamik tahapkununga nunallaat taimunga taimunga.

Imaalu, talvainakluni maniqhaaqhat hamlatkunnut ikajuutiqhamik niuvirnikkut aqhaqtuutiqhanik aqhaluutininik hamlatkunnut Mittimatalik Qausuittuqlu. Hapkuat nutaat agjaqtuutiqhat inungnik naliangnik ihuaqtumik piniaqtuq atajumik nunaqaqtunut, taapkuatlu inirniqhaat inuitlu ajuqhautilgit, iharianikkut kivraqtuutikkut nunamingnik taapkuatut taaktiliarahuat takujauvighainnut, taapkuatlu ubluq tamaat ublumut hulidjutiqhainnut.

## **Uqaqtaujut**

“Talvamiit amigaiquumirnikkut agjaqtuutiqhanik inungnut naliangnik ukiuqtaqtumi nunallaanginni nakuuhivallianikkutlu ajurnarnikkut imangmik pijaami, hivuniraalurnut inirniqhaat munarviit igluqpaita, amigaittutlu auladjutiqhatigun-nakuujumik aulapkaidjutiqhat,

hapkua havaaqhat ikajuutaujut aqhuugutiptingnut nakuuhivalliajaami aanniaqtailinirmun inuuhirittiarnirmunlu Nunavunmiunut, happummititiplugu avatiliqidjutit. Havaqatigiiplugit paatnavut, naupkaqtittijuguq inuuhirinnaktumik aulahimmaangnikkutlu nunallaat hadjamin hivunighaptingnutlu”.

*Nan’ngarijaujuq Sean Fraser, Minista Igluliqinikkut, Aulapkainikkut Nunallaanutlu*

“Una Hun’ngajaaqtuq ilaupkainikkullu Nunallaani Igluqpainnut maniliqtuutighaq unaujuq uuktuuti taaffumamik Katujiluta hivunighaata pidjutipluni paannariigutitut; Tautuktitijug havaqatigiingnirmik paatnariingnikkutlu qitqani malguuq aktilaangit kavamani akhuuqtut pittiaqiplugit munarinikkutlu qanittuujaarnirmun aimavingmingnut Nunavunmiunut. Una maniliqtuutighaq ikajuutaujuq uvaptingnut nappaktiriami amigaiqlugit Inirniqhaat najugaqhainnik Nunavunmi tunihilunilu hivuni nunaqaqtut qajarnaittumik, inuuhirinnaktumik, pittaangnirmunlu inuuhini.”

*Nan’ngarijaujuq John Main, Minista Munarhiliqijitkunnut, Nunavut Kavamangani*

“Titiraqhimajumi talvani Nunavut Imainnaktukkut Ihumaliutqitaujuqhami, nappaktiqhuni halummaqhiivnik imarmik ihuagijainnik ihariangniit amigaiqjuummiktuni inuit nunallaani iharianaqtut. Titiraujarnia nappaktirinirmunlu hapkuninga igluqpainnik taamnaunggittuq aulapkaidjutiqhatigun, kihimi imaa ittuq happummijut inungnut aanniaqtailiplugut hakugiqhipkaijuqlu nunallaaptingnut. Talvuuna paatnariingnikkut taapkuatut Halumajumik Aulapkainikkut, uvagut pidjutihimmaangniaqtuguq nunallaami aulapkainikkut havaaqhanik ikajuutiqhaitigun aanniaqtailinirmun aulahimmaangnikkut nunallaat”.

*Nan’ngarijaujuq David Joanasie, Minista Nunalingni Kavamatkunnilu, Nunavut Kavamanga*

“Nunaqaqtut Inirniqhaatlu Mittimatalingmi quviahuktut taaffuminga nutaamik agjaqtuutiqhamik inungnik nunallaamun. Atuqtilluni alappaangnaktuni tatqiqhiutit, pipkainiaqtuq situaliaqlutik ilaulutiklu hulijuni, taapkuatut Munarhitkut havainirni niripkaijuni ulapqijunutlu, agitijaulutiklu aimavingmingnut talvanga. Uvagut, Haamlatkut, quviahukpiaqtugut tunihigapta uminga nutaamik agjaqtuutiqhamik inungnik”.

*Nan’ngarijaujuq Joshua Arreak, Miija Mittimatalingmut*

“Tamna Nunagiyauyut Nuutigiangani Ihuahaidjutikharnik Maniktaqvikhangit ikayuutiginiaqtun ihuahaidjutikharnik nunalaani auladjutikharnik pidjutikharnik nunalaani ilaayunik talvani Hamilaatkuni Qausuittungmi.”

*Ian Dudla, Atan’ngujaukaffuktuq Titiqqivliqidjutitut Havaktia Hamlangganut Qausuittuq*

## Kangiqhidjutit

- Kavamatuqait maniliuqtut \$129,913,246 tahapkununga havaaqhanut talvuuna aadlatkiingni hulijuqhani taaffumamiklu Halumajumik Ilaunikkutlu Nunallaani Igluqpaqhainnik (GICB) pivinga, Un’ngahiktuni Agjaqtuutiqhainnut Nalvaahinianikkut Maniliqtuutaa (RTSF), taamnaluk Halumanikkut Aulapkaidjutiqhainnut (GIS) Maniliurnitaatigun Kanatami Aulapkaidjutiqhanut Pivinga (ICIP). Nunavut Kavamanga maniliuqtut \$64,863,750 hamlatkuttauq Mittimatalingmi Qausuittungmilu tunihijut atauttimut \$76,755.

- Aulapkaidjutiqhanut Kanata ikajuqtut illitturipkagumaplutik ajurnaktut aqhuugutaujut imaa Kanatiankut takuvaktunik ubluq tamaat tahapkunani qilaminnaaq inuriahiijuni nunaliqpaujaptingni, hilaup aadlanguqtirninganut, avatiliqidjutini qajarnautit imautiptingnut nunaptingnutlu.
- Kavamatuqait maniit qanurinmanggaat tikinnahuaqhugit tamainnut piqarniitigut ilaudjutilgit katimaqattarnitigut Nunaqaqqarhimajut ilagiiqtut avatiliqinikkut ihivriungniit hivuniqhat.
- Kavamatuqait maniit qanurinmanggaat sainiutikkut maningnik/ikajuutiqhat an'ngirutit.

## Halumanikkut Ilaunikkutlu Nunallaami Igluqpaqhat:

- GICB pivinga hivuniquhaqatut nakuuhivalliajaami humi Kanaitiankut havakpaktuni, ajuirhajut, ulapqijut katimaviuvijiinnilu miqhilaalugit halumailguit, akiqhilaalugit akiqhat, ikajuutigilugit tausinnugujut nakuujut havaaqhat. Talvuuna halumanikkut aadlatlu ihuarhaqtauniit pihimajutlu hadja inungnut nunallaami igluqpait nutaatlu nappaktaujut piqalluanggittuni nunallaat, GICB pivinga ikajuqtait imaa pijaami nunallaami igluqpait ilaulugit, pijaqtaami, hivuniraalurmum atuqtaulutik, imaaluttauq ikajuqhugu Kanata hivumuungnikkut taamna net-zero hivuniquhait 2050 atuliqqat.
- 10 pusanlu maniquhaqhat aittuutigijaujut havaaqhanut kivraqtuinikkut Allait, Inuit, Métis lu nunallaanggit, taapkuatlu Nunaqaqqaarhimajut inuriangniit inugiaqtunilu.
- Tamna GICB pivinga piliurhimajuq ikajuutigiplugu Kanatap Hakugingniqhaatigun Hilaup Upalun'ngaijautaata: Inuuhirittiarnikkut Avatingit unalu Inuuhiringnaqtumik Maniliurniq. Ikajuutijug Upalu'ngaijautaata hivuliqpaap havaarijaqhaq talvuuna miqhilaalugit pujuum anialailaqaataa pujuit, amigaiquummiklugit auladjutiqhatigun iharianaittumik, ikajurnikkutlu piliuriami upalun'ngaiqpiqahimaluni hilaup aadlanggurniatigut.
- GICB pivinga piviqhaqatittiniaqtut \$1.5 biliantaalamik talimani ukiuni talvuunamut halumanikkut pijaangnikkutlu ihuarhijuummigutiqhanik, ihuarhaqtaujuqhanut nutaangguqtirirmunluunniit.

## Nunamiutanut Aulaviqhainnut Ihumaliurhimajunik Maniktaqvighaa:

- RTSF kut ikajuqpaktut Kanatamiutanut nunaqaqtunut nunamiutani un'ngahiktunilu pijaami ajurnaittumik nunamingni. Ikajuqtuq pivallianirmik nunami in'ngilrajaami ihumaliurnikkut, imaalu nutaamik in'ngilraviqhainnut kivraqtuinirmun aadjiliuqtauqtaaqut nakuutqianiqhatigunluunniit.
- Mikitqianitigut 10 pusanmik RTSF nga maniliqtuidjutait tunijauniaqtut havaaqhanut ikajuutaujuqhanut Nunaqaqqaarhimajunut inugiangniit nunallaangginutlu.
- Uuktuutit haffumamut Nunami In'ngilrajaami Ihumaliurnikkut Maniliqtuutiqhaat – Akitujutlu Havaaqhanut pijauniaqtut pidjuttauhimmaaqlugitlu. Una auladjutiqhaq ikajuutigniaqtuq akitujunut akiqhainnut taapkuatut niuvirnirmik aqhaluutunik qaritaujaliqidjutiqhanikluunniit, imaalu ikajurnikkut niuviriami pujuqanggittunik aqhaluutunik.
- Talvuuna Akitujut Havaarijaqhanut, pittaaqtut uuktuqtut tuqhiinnariaqatut ikajuutiqhanik talvunamut \$3 miliantaalamik ikajuutiqhaanut akitujut akiqhainnut nutaamik an'ngiqlijuummiktuqhamikluunniit agjaqtuutiqhatigun ihumaliurningganut (imaakaffuk., talvunamutlu \$5 miliantaalamik ikajuriami pujuqangnaittaami agjaqtuunikkut ihumaliurniit (imaakaffuk., niuvingnikkut pujuqanggittumik aqhaluutimik (nik)).
- Uuktuutiqhat RTSF ngannut Upalun'ngaijainirmun Piliurnirmunlu Havaaqhanik pijauniaqtuq aulahimmaaqlutik. Talvuunatigut, pittaaqtut uuktuqtun tunijauttaaqut grant min talvunamut \$50,000 taalamik ikajurniqhaatigun nunallaap'havaaqhainnut upalun'ngaijaami piliuqlunilu nutaamik amigaiquummiklugitluunniit agjaqtuutiqhanik

nunallaamingnut. Hamma uuktuutigijaukaffuktaujuat pijaangnikkut Upalun'ngaijainirmun Piliurnikkutlu Havaaqhanut hulidjutiqhainnut ihivriugtaujuat apqutigun qanurittunik aulaviqhainnut, naittumik ihivriugunmik tamainnut pidjutigijauhimajut havaaqhamut, inungnit tigungmidjutiqaqtunutlu ilauviqhainnut ihivriungnirmunlu.

- Atauhiq talimanit Kanatianni nunaqaqtut mikijuni nunallaani. Nunami nunallaat Kanatami pidjutivaktut 30 pusanmik kanatap tamainni hunavaluit niuvvaavigijaujuqhanut.
- RTSF nga nakuuqpiqaqtumik pidjutivaktuq Kanatap hakugingniqhainnut hilaup upalun'ngaijaidjutta: Inuuhirittiarnikkut Avatingit unalu Inuuhiringnaqtumik Maniliurniq. Talvuuna upalu'ngaijautaatigut kavamatuqait aqhuuqtut tunihijaami taimaa taimaa kavamatuqait maningnik inungnut agjaqtuutiqhanik ikajurnirmiklu halumajaami akittuquangnaittumiklu agjaqtaujaami hailihimalunilu tamainni nunallaani.
- Talvanga 2015, kavamatuqait uqaqtait pingaqhimaittuq maniliurniq \$30 biliantaalamik tausini agjaqtuutigijaujuat havaanggit nunallaani tamaani nunarjuaptingni.

### *Maniliurniq Kanatami Aulapkainikkut Pivinga:*

- Halumanikkut Aulapkaidjutait Maniliurnikkut Kanatami Aulapkainikkut Pivinga (ICIP) ikajuqtuq naupkariami halumanikkut nunallaani tunihidjutiqluni hilaup aadlanggurniatigut upalun'ngaihimanikkut, ikiqlijuummiqhugitlu pujuum anialailaqtataa pujuit, ikajuqhugitlu nutaangguqtaqtut kajumikkuugutit.
- Ilaliutiqlugulu ublumi tuhaqtitaunia, 11 aulapkaidjutiqhat havaanggit havaapluunniit ataani Halumanikkut Aulapkaidjutiqhait uqaqtajut Nunavunmi, atauttimun kavamatuqait tunihijut amigaitqianit \$135 miliantaalamik atauttimunlu ukiuqtaqtumi tunihidjutinga imaavjaq #33.6 miliantaalamik.
- Ataani Maniliurnikkut Kanatap Upalun'ngaijaidjuttaani, kavamatuqait maniliuqtut amigaitqianik \$180 biliantaalamik 12 luni ukiuni inungnut agjaqtautiqhainnut havaanggit, halumanikkut aulapkaidjutiqhait, inungnilu aulapkaidjutiqhainnut, himmauhirnik in'gilraviqhainnutlu apqutiit, Kanataplu nunainni ukiuqtaqtumilu nunallaanggit.

## Ilaudjutilgit Atajut

Halumanikkut Ilaunikkutlu Nunallaami Igluqpaqhat:

<https://www.infrastructure.gc.ca/gicb-bcvi/index-eng.html>

Nunamiutanut Aulaviqhainnut Ihumaliurhimajunik Maniktaqviqhaa

<https://www.infrastructure.gc.ca/rural-trans-rural/index-eng.html>

Maniliurniq Kanatami: Kanatap Hivuniraalurmun Aulapkainikkut Upalun'ngaijautaa

<https://www.infrastructure.gc.ca/plan/icp-publication-pic-eng.html>

Halumajumik Aulapkainikkuutigut

<https://www.infrastructure.gc.ca/plan/qi-iv-eng.html>

Hakugingniqhaqlugu Hilaup Upalun'ngaijautaa

<https://www.canada.ca/en/services/environment/weather/climatechange/climate-plan/climate-plan-overview.html>

Kavamatuqait aulapkaidjutainni maniliugutit talvani Nunavut

<https://www.infrastructure.gc.ca/plan/prog-proj-nu-eng.html>

**Kimut Uqaqvigijaqhaq**

Naunaittiagumaguvit (tuhaqtitaujuqhainnarnut), uqaqvigilugu:

**Micaal Ahmed**

Tuhaqtipkainikkut Atan'nguq

Havagvia Ministap Igluliqinikkut, Aulapkainikkut Nunallaanutlu

343-598-3920

[micaal.ahmed@infc.gc.ca](mailto:micaal.ahmed@infc.gc.ca)

**Tuhaumapkainikkut**

Aulapkainiqhatigun Kanatami

613-960-9251

Akiittumun: 1-877-250-7154

Qaritaujakkuugut: [media-medias@infc.gc.ca](mailto:media-medias@infc.gc.ca)

Malikluta [Twitter kut](#), [Facebook kut](#), [Instagram](#) unalu [LinkedIn kut](#)

Qaritaujakkuugutaa: [Aulapkainikkut Kanata](#)

**Casey Lessard**

Aulapkaaji, Tuhaqtipkaajiini

Kavamaliqijitkut

Nunavut Kavamanga

867-975-6004

[clessard2@gov.nu.ca](mailto:clessard2@gov.nu.ca)